

Ngoenzneix dwg singhgiz roek, mbwn'gvengq raeujrub, gou caeuq daxau baema ranz daxbuz guh yiuзмаenz.

Daxbuz caeux couh bwh ndei maenz biek hawj dou lo. Ma daengz ranz daxbuz, dou gwed faggvak, fagcanj, daeh maenz biek couh okdou lo.

Dou daeujdaengz giz diegbingz ndeu, couh muengz hwnjdaej lo. Dou sien ra ndaek mamh hung iq mbouj ityiengh, yienzhaeuh caep aenyiuz. Gou caeuq dahnuengx daegnuengx caep baenz buenq ngoenz hix caep mbouj baenz aenyiuz. Dou cijndei bae cam daxau, daxau naeuz: "Siengj caep ndei aenyiuz, sien ra di namhndaek song mbiengj cungj bingz haenx baij baihlaj, doq caep doq aet doxhaeuj, doeklaeng itdingh aeu louz aen congh doeng hoenzfeiz." Dou ciuq daxau gangj bae guh, mbouj yaep ndeu, aenyiuz maemhrem couh caep baenz lo. Dou youh bae ra hazfwnz, ciepdwk couh ndaej coemh yiuзмаenz lo. Daxau

Coemh Yiuзмаenz

烧红 薯 窑

贵港市覃塘区蒙公乡高占小学四(2)班 韦飞扬

gangj, feiz itdingh coemh dawzhuhu bae cij ndaej. Gou couh itcig dwk fwnz mbouj dingz. Daih'iek gvaq 40 faen cung le, namhndaek coemh ndaej hoengzfwdfwd lo. Daxau naeuz ndaej dingz feiz lo. Cij raen daxau youq dingj yiuзмаenz hai aen congh ndeu, ciepdwk heuh gou daj bakcongh cuengq maenz caeuq biek roengz ndaw yiuзмаenz bae, yienzhaeuh gaem fagcanj moeb gij namhndaek coemh ndaej hoengzfwdfwd haenx, aeu namh dub soiq hoemq ndei maenz biek. Daxau gangj aeu 30 lai faen cung, maenz caeuq biek cij cug. Caengz ndaej gwn maenz, gou caeuq dahnuengx couh

bae mbaet va'ndoi lo.

Seizgan daengz lo, dou nyouq daengz hei q maenz biek homfwdfwd. Ndae j vat yiuзмаenz lo, gou sim'angq raixcaix. Dou hainduj vat yiuзмаenz, aenvih gou simgip lai, miz aen maenz ndeu deng gou vat sieng lo, gou cijndei siujsim menhmenh vat. Vat caez le, dou naengh youq gwnz dieg, menhmenh gwn gij maenz gij biek rangfwdfwd haenx. Dou itmienh gwn itmienh gangj riu. Daegnuengx gwn ndaej daengx naj cungj uq maenz, dou haha riu ndaej raemxda cungj lae okdaej lo. Daxau raen yienghneix, lienzmuengz yungh soujgih ingj aen-



siengq roengzdaej.

Daengngoenz roengz bya lo. Dou lumh aendungx gwn ndaej bongqbw haenx angqvauvau byaij ma ranz lo.

Baez neix coemh yiuзмаenz, gou rox daengz aen dauhleix ndeu: Cijmiz ginggvaq gaenx guhhong, cijndaej miz hoizbauq.

(指导老师:韦彩芳)

Lauxsaed

老 实

环江思恩镇西南小学 韦海椰

"Lauxsaed beij gijmaz cungj youqgaenj." Gou cei q gyaenz coenz vah neix, aeu coenz vah neix daej iugouz swheij, seizseiz daezsingj swheij.

Geiq ndaej miz baez gaujsi ndeu, daezmoeg mbouj dwg gig hoj, haujlai daezmoeg gou cungj swheij guh okdaej lo, cijmiz song diuz daez, gou baenzlawz siengj hix siengj mbouj okdaej. Cingq dang gou yungh uk ngeix seiz, doengzhag naengh youq baihnaj cingqngamj dawz sigenj daengj hwnj, gij dapanq de gou yawj ndaej cingcing cujcu, gou mbouj siengj couh dawz dapanq song diuz daez haenx sij hwnjbae lo.

Guh sat daezmoeg le, gou couh lumj mbouj miz saeh ityiengh naengh youq gwnz diegnaengh.

"Gyongq doengzhag, seizgan yaek daengz lo, cingj nyinhcaen genjcaz sigenj," Lauxsae daezsingj dou naeuz. Gou youh hainduj genjcaz sigenj, dang lwgda yawj daengz song diuz daezmoeg haenx seiz, ndawsim gou couh mbouj onj lo, lumj miz singyaem youq henz rwz gou gangj: "Cingzcik neix bonjlai couh mbouj dwg mwngz guh ndaej, mwngz mbouj ndaej aeu, mwngz wnggai lauxsaed." Cingq youq seizneix, seizgan gaujsi sat lo, gou lienzmuengz dawz dapanq uet bae.....

Yienznaeuz baez gaujsi neix gou mbouj ndaej muenxfaen, danhseih ndawsim gou gig angq. Aenvih neix dwg cingzcik caen gou, gou guh daengz le lauxsaed. (指导老师:罗少维)



Cibhaj Duj Vameizgveiq

十 五 朵 玫 瑰 花

贵港市覃塘区蒙公乡高占小学四(2)班 陆颖怡



Gou doi q soqcih "5" daegbied miz gamjingz. Aenvih ngoenzseng gou couh miz sam aen "5": 2005 nienz 5 nyied 25 hauh. Aen saedceij neix, hix dwg ngoenz dwgrengz daxmeh.

Ngoenzneix dwg ngoenzci et daxmeh, gou siengj hawj daxmeh angq. Gou siengj, daxmeh gyaenz gyaendei, hix gyaenz dujva, couh soengq bog vameizgveiq hawj de ba!

Gou fwnz gaem 20 maenz cienlingzyungh angqvauvau bae haw lo. Gou byaij haeuj aen diemqva ndeu bae, ya, gij va hoengzhoengz henjhenj lai raixcaix! Gou dauqcawq

yawjyawj, boux dajgai cam: "Dahniq, siengj cawx gijmaz ha? Mwngz seizbienh genj ba!" Gou sijsaeq yawj, vameizgveiq miz saekhoengz, saekmaeq, saekhau, saekaeuj daengj, nganzsaek caen mbouj noix ha! Gou sim siengj: Daxmeh bingzseiz unqswnh son gou baenzlawz guh vunz, lij dajleix gij gwndaenj gou gig ndei, hawj gou vuenyungz majhung, couh genj saekmaeq ba! Gou youh siengj: Daxmeh gig gyaenz gou, gij gyaenz daxmeh lumj daihhaij nei laeg, gou baenzlawz lumz ndaej ne? Caiq genj saekaeuj ba! Ngoenzseng gou miz sam aen "5", gou couh cawx 15 duj, 6 duj saekmaeq, 9 duj saekaeuj. Gou youq ndaw bogva geb miz mbawq gajben ndeu, gwnz gajben sij dwk: "Daxmeh, gou gyaenz mwngz!" Gou gaem bogva angqvauvau ma ranz lo.

Ma daengz bakdou ranz, gou "doek doek doek" roq dou.

Daxmeh cam: "Dwg bouxlawz ha!" Gou nyaenj ndaeng dap: "Boux soengq raemx." Youq daxmeh hai dou yaepyet, bog vameizgveiq gyaendei yienh youq dangqnaj daxmeh. "Daxmeh ngoenzci et simangq!" Gou angq dwk cukhoh daxmeh. Daxmeh youh doeksaet youh angqyangz, gvaq haujlai nanz cij gikdoengh dwk naeuz: "Docih mwngz! Dahlwg gou caen roxsoq!" Gou gotdawz daxmeh naeuz: "Mbouj yungh docih, neix dwg dahlwg wnggai guh."

Ngoenzneix, aending ranz gou daegbied ronghsag, bog vameizgveiq sawj ndaw ranz rangfwdfwd. Gou caeuq daxmeh miz gangj miz riu, rog cueng duzroeg cici caca angq heuh, youq gwn gofaex diuq bae diuq dauq. Gou sim siengj: Neix itdingh hix dwg gyoengq roeg caez hoh daxmeh ngoenzci et angqyangz ba!

(指导老师:覃珍团)

Duzdouq Hau Iq



小 白 兔

德保县隆桑中心校 陆思璇



Ranz gou ciengx miz duzma duzmeuz duzbit duzgaeq caeuq duzdouq, ndawde gou cei q gyaenz duzdouq hau iq lo.

Yawj, de daengx ndang hausaksak, lumj daenj geu buhmienz hausak nei, dwggyaenz raixcaix. R wz duzdouq youh raez youh hung, rwz duzdouq

gig singj, mbat dingqnyi sing yienj, aenrwz couh daengj hwnjdaej lo. Da duzdouq hoengzfwdfwd, lumj song naed cawhoengz cang youq ndaw gyauejhau nei, ndongqliklik. Bak duzdouq mbat hai mbat haep, mizyinx raixcaix. Ganaj duzdouq dinj, galaeng raez,

byaij roen saetsaet diuqdiuq, daj gyaenz yawj, caen lumj aen giuzyungz hau youq gwnz dieg ringx bae ringx dauq, gig dwggyaenz! Diuzrieng duzdouq dinjded, bwnyungz lumj aen giuzyungz iq nei, gig ndei yawj. Duzdouq hau gwn byaekheu, byaekhau, cei q maij gwn dwg lauxbaeg. Moix baez gwn imq le, douqhau couh laep da hoet sei q ga hwnjdaej boemz youq gwnz dieg lumj aengiuz nei, ninz ndaej cwxcwx caihcaih.

Mwngz naeuz, duzdouq ranz gou dwggyaenz lwi?

(指导老师:黄瑜)